

地220.177

735

部=12

澣野關志



許墅關志卷之三

公署

一 權使署即戶部分司今為蘇州織造兼理許墅鈔關稅務處
 在長洲縣二都六畝許墅鎮明景泰元年十一月戶部主事
 王昱建門堂吏舍略備大門上為明遠樓儀門右為土地祠
 臨河有開亭宏治六年主事閻璽建庫於堂側九年主事劉
 煥建燕思堂楊循吉記十二年主事賴先建小開即永通渠
又名便民
橋與開亭相對陳琦記
見橋梁正德六年主事于範重建大堂庫照
 牆顏照墻曰水鑑大堂曰國計自為記嘉靖元年主事劉煜
 然建冰玉堂有箴四年主事馮承芳改門樓曰閱帆建高士

許墅關志

卷之三

公署

一

軒有記二十二年主事董子策建敬士軒修閱帆樓四十年
 主事鄭雲瑩改安貞堂額為聿修以其祖炤嘗權許墅關志紹
 承世德之意自有記隆慶元年主事許守謙重修小開萬歷
 七年主事趙惟卿建自公樓鐘鼓樓嚴訥記十七年主事李
 開藻取綸音語題大堂曰廉謹自持二十六年主事高第購
 民居建賓賓館三十二年主事王之都重修大堂建振浣軒

府志作
振統

本朝順治康熙間滿漢兼差滿官居左漢官居右雍正乾隆間
 織造兼理駐劄府城署為織造管轄盤查庫貯簡察權務來
 駐於此康熙八年郎中黃虞再重修堂右諸處九年員外郎



桑梓鄭燠新吳什巴重建大堂改國計額曰惟正顏門坊曰
國泉外府三十九年郎中舒古勳崇廣開樓乾隆三十九年
織造舒文重建大堂及旁舍自爲記嘉慶十六年權使和明
勅建豐雪樓自爲記二十五年權使嘉祿重建門坊開亭府志
舊志碑記合纂明楊循吉燕思堂記國家立鈔關一在許墅
宏治丙辰戶部主事劉君堯章寔以推選來主其計商平賦
均克有成績惟是公署無退食之室賓至茗於廳事弗便慨
將畫之顧視厥後有廡相直惟開右是宜則室其北隔其南
垣其外中設揖讓之位而且以爲息焉不費而亟成題曰燕
思堂於是延涼納溫冬夏咸宜圖史在座花石盈庭客之登
者莫不樂之他日以其意命余以記曰官政之修惟思乃克
然非假仰優柔之有地則思亦無寄焉自吾來茲夙夜匪懈
惟勉其職是圖然南牆北牖日勾較不暇雖欲覽古今以求
通於務其無能矣顧吾爲斯堂蓋以思而不以豫也敢弗志
乎且是塗居津要之會凡鉅公魁士由南北而來者無不得
皆接是吾堂口有人焉彼皆天下之英俊吾宜思而與之齊

許墅關志

卷之三

公署

二

庶其及也夫燕居燕也燕會亦燕也一名二義而皆用吾心
故謂之燕思也子其書之召名煥正定藁城人癸丑進士蒞
官公清允洽文史達於治而厚於德識者期以遠大其爲是
堂廣己之道而遺後之益非無謂以爲也遂謹受而記焉若
其概則君所云皆具書事費核故不復列吾言云于範圍計
堂記凡水陸場務所推者皆爲國家計也至於算商舟則以
部職主之蓋利重課多又計之大者也余作分司堂因以國
計名焉或曰國計盈縮係乎人有廉墨堂之崇卑不與焉雖
然隘陋至於等威不辨亦非所以別上下而重名器也幸未
歲初余承命來許見其堂敞甚廣僅丈許高不及半藉地不
階其勢碗然欲傾且濕淖不可居中列公案右圍板爲庫間
以木屏庫後止宿其間朝夕嘈囁甚非規制蓋爲主者僅一
稔而代以期近易爲因循且去府餘三十里阻於遠難爲葺
治是故相尋日就於圯余爲之愀然遂說志修理顧費無所
出乃較算區畫凡船有匿稅不輸者罰之使出木數株或磚
石灰瓦若干輪而不盡者半之土人號舖戶而攬納者又倍
之積三月稍裕乃謀及邵守林君利瞻忻然曰某之職也卽
爲命工遣役撤而新之視舊制加拓焉增四楹爲軒築三級
爲階因階爲道達于大門堂四楹軒如之高二丈二尺廣倍
焉前後相距則三丈有奇側爲庫房三間繚以高垣封以堅

戶用寄料銀暮使車夫環守焉雖不其壯麗望之亦頗軒敞
輪奐視昔有間矣或曰損上益下國之大計也今予割下所
有以華其居且以國計名之無乃左乎余曰不然處已以公
而廉待人以明而恕其損上益下之道得矣若夫商船影射
不輸者則奸人耳且人尤而效之國課虧矣罰而不宥正以
爲國計也以名堂烏乎不宜是役也經始於三月二十八日
記工於五月二十五日林君謂不可無言以紀歲月故云鄭
雲鑿事修堂記宏治甲寅先大夫晉齋公視權濟關迄今六
十有八年矣嘉靖辛酉秋適司權告代尚書熙齋高公疏鑿
名上請時以秩滿辭不果乃復叨役於茲因按譜牒追疏佑
啟之謨而我大父公明廉恕之聲耿光如見鑿未始不欣然
幸也顧是闕之設實當與會之衝或計甲於諸省爰自景泰
以來偉人處上代著所書而孫祖承傳實自鑿始君思甚澤
敢忘所自雖然亦未始不惕然懼也惟我大父以進士起家
摘英翰苑歷司金部出守維那時以逆璫煽虐乃浩然請老
於家者幾二十年善慶所鍾延於孫子鑿之不肖亦承休龔
廕自登第時每承家君手書拳拳以守身守官敬承先烈爲
訓迨竊祿以來勞邊理諸視賑請役輒步我祖之往躅仰承
清白之遺恪守義方之訓隨所任使莫敢不悉宣心力以期
一得之報所至是關之役歷有歲餘陟降羹牆鑒觀尤切夫

濟墅關志

卷之三

公署

三

殘編遺笏猶比甘棠矧公庭之茂蔭方滋榮也其容已於思
乎承學守法卽管庫猶可況叨下大夫之秩鑿也其敢不加
勉乎粵稽世德幸稱穎川而慙卿慙長尙貽識者之謂矧房
劣如鑿履斯地而登斯堂能不惇惇然懼乎詩曰無念爾祖
聿修厥德三復斯言蓋竊有感焉旣以書諸紳復以名其堂
并識歲月庶幾率祖攸行一飯不忘後之君子倘有作求思
承追增繩武之光亦必能諒予之心者矣堂舊匾安貞歲久
漫漶因僭易以今名其楹基規制悉仍舊貫志中已具茲不
復贅云嘉靖四十四年九月望日嚴訥鐘鼓樓記濟墅之權
歲以司農分署者舊矣署去郡城二十里而遙前溪後山賦
境浩曠非有闌闔其布綠垣旋繞而堂宇湫隘防衛弗嚴余
每道而南北則輒有慨焉豈官於斯者率傳舍視耶抑植務
旁午弗暇計耶抑以勞民費財爲嫌而冀仍舊貫耶夫以
代之駛席未及緩行駕已趨則勢之未暇固固然者正定相
鄉趙公之蒞權也謂權以弊弛則稅者漏漏則虧公途以權
垂則行者滯滯則病旅於是戒津吏申禁約刷厥蠹廢躬則
晨興政編坐閱竟日關無留舸昔之舳舻紛輳甚或鱗次櫛
比闕漕而弗疏者今且蕩若長川焉而震澤之漭支流滑寶
則莫不兢兢稟度無敢越逸由是稅者稱平行者稱便公課
登途旅悅頌聲四溢而公亦委蛇不煩暇則覽景物而紀載

采風謠而賦詠油然有餘思焉則又曰費鈔而利博者費不足斯也勞適而計遠者勞不足憚也乃稽羨度址程工度事於署之左右建樓而度鐘鼓其上稍傲周官修閭氏互據之制於以節晨昏而表譏察署堂之後則寫白公樓麗昔所謂閣帆閣者以壯屏倚蓋不踰時而工告成余適維舟信宿其精則見署構聿新鼎峙翼張崇甃孔鏞嚴更達署非復曩時之苟簡矣余方避公所為而闢士施文學輩造余而稱曰公貧民既報內擢矣而孜孜觀成猶弗忍置今茲視推令信惠孚百職修舉瀕行又為斯著創此永圖蓋毋患於無虞而貽休於無疆也是不可以無籍也敢以記請余謂畢公以克勤彌亮衛武以灑掃章民單公以道弗危陳孔子以塘完善蒲自古記之矣公之斯舉也有朝考夕序之度有警聲振贖之思有惜陰待旦之懷良非蒞一身營一時者他日靖共在位以佐宵旰之理使興歌作息節和企玉而協保雍熙亦以斯心運之而已遂書以俟之

天子命來權是關之五年甲午夏重建是堂既竣工爰考其初而勒之石按許墅關建自前明景泰元年農曹王公是者至正德六年于公範擴而新之我朝康熙九年桑公梓鄭公鼎新同權是關慨堂署之圯也復修而一新之閱今蓋百有

許墅關志

卷之三

公署

四

餘年矣傾欹摧剝不治且壞予於是鳩工庀材易棟楹梁榭之撓折者蓋瓦級磚之損缺者赤白漉漫之不鮮者悉治之而規制少隘欲事展拓又偪於民舍無已高其堂宇恢其儀門遠其甬道且小築數椽移向者四方商賈完課之所於堂之北偏視昔較為差廣焉是役也經始於四月二十八日落成於九月十二日呂黎韓氏所謂無侈前人無廢後觀是子之意也夫和明建豐雪樓記嘉慶庚午春余奉命司權茲土數月來夙夜敬恭惟期物阜民豐輸將踴躍得以上報主恩是冬瑞雪應時斯樓適成因書此志喜

長洲縣吳塔巡檢司署在八都二十崗鳴鳳坊右明洪武二年置舊在縣北吳塔村後移蠡口

本朝雍正九年移置許墅鎮

駐防把總寓城隍廟郭公書院明崇禎末年權關主事張永禧以關鎮去城寫遠有警不及相顧請於巡撫都御史祁彪

佳設兵三百名防守題准蠲十日關課以充歲餉

本朝順治二年巡撫都御史土國寶委官一員巡防未定經制兵無定額四年始定兵丁一百名稱爲許關營卽八都二十

一畝永泰庵建爲衙署康熙元年歸併提標設把總一員兵丁一百名巡防許墅一帶地方十一年歸併蘇州城守營後署

地廢把總移寓今所
外委把總寓金龍四大王廟

本朝雍正間增設協同經制把總分防
附汛地

射瀆 南隅 北隅 東隅 西隅 金雞 望亭

許墅關志

卷之三

公署

五

附舖遞

急遞舖四射瀆舖在一都許墅舖在二都張公舖在六都白

鶴舖在五都府志

社倉一所在崇福橋南廩十二間府志

義局附

永澤堂施棺葬埋局始於雍正十三年乾隆二年本鎮生監夏棟夏寬高光祖施源等建堂於八都十二畝九家浜知府黃鶴鳴名以永澤義冢地十七畝五分九釐在本縣八都十一畝洪呂字圩後里人周長年助田三十畝今附一善堂
寧紹公所在八都十二畝九家浜游場頭乾隆十年建後又

重修增建詳錢文炳碑記

留嬰堂在廟庵浜猛將廟右一在永澤堂

旅亨堂在青石橋乾隆年間徽州學公建

仁壽堂在黃埭乾隆四十一年建

府志

一善堂在文昌閣右嘉慶十一年建

府志

培梓堂在八都九畝東漁莊道光三年寧紹學公建

宣州公所在崇福橋南油車街口

附舊蹟

隋御亭驛在望亭

互見古蹟

宋吳長寨在泔墅

府志

泔墅關志

卷之三

公署

六

宋竹青庫在竹青塘

府志

元長洲縣巡檢司一在泔墅

明吳長洲兩縣巡檢解舍在泔墅

明泔墅巡檢司宣德四年裁

府志

明社倉在五都十五畝知紡字圩隆慶二年知府蔡國熙社

倉事宜碑記在捍村城隍廟

泔墅舊聞

明義倉在八都十二畝萬歷三十五年改為羈候舖明年廢

為三官堂

舊志

泔關管署在八都二十畝永泰庵

委官廳在八都二十畝便民橋右

舊志

濟野關志卷之三終

濟野關志

卷之三

